



Broj: 02-04-1668/24-AP-3  
Datum: 16.8.2024. godine

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), Odluke o standardima i kriterijima za imenovanje u Skupštinu JKP „Radnik“ d.o.o. Zavidovići („Službeni glasnik Općine Zavidovići“, broj: 1/2020) i člana 12. Privremene statutarne odluke Grada Zavidovići („Službeni glasnik Općine Zavidovići“ broj: 4/22), a na prijedlog Službe za upravu poljoprivrede, vodorivrede i komunalnih poslova, Gradonačelnik objavljuje:

## JAVNI OGLAS

za izbor i imenovanje predsjednika i članova u Skupštinu JKP „Radnik“ d.o.o Zavidovići

### I

Objavljuje se javni oglas za izbor i imenovanje predsjednika i 2 (dva) člana u Skupštinu JKP „Radnik“ d.o.o. Zavidovići.

### II

Opis pozicije predsjednika i članova Skupštine JKP „Radnik“ d.o.o. Zavidovići

Skupština Javnog komunalnog preduzeća „Radnik“ d.o.o. Zavidovići odlučuje o:

1. donošenju statuta, njegovim izmjenama i dopunama,
2. donošenju Poslovnika Skupštine,
3. donošenju Pravilnika o radu preduzeća i unutrašnjoj organizaciji i sistematizaciji radnih mjesta,
4. etičkom kodeksu na prijedlog Nadzornog odbora,
5. utvrđivanju poslovne politike Preduzeća,
6. trogodišnjem planu poslovanja,
7. usvajanju godišnjeg izvještaja Preduzeća koji uključuje finansijski izvještaj i izvještaje revizora, Nadzornog odbora i Odbora za reviziju,
8. raspodjeli godišnje dobiti i pokriću gubitka,
9. povećanju i smanjenju osnovnog kapitala,
10. promjeni oblika, spajanja, pripajanja i podjeli Preduzeća, te pristupanju novih članova sa udjelima uz saglasnost Gradskog vijeća Zavidovići,
11. osnivanju novih Preduzeća,
12. davanju saglasnosti na imenovanje i razrješenje direktora,
13. imenovanju i razrješavanju Nadzornog odbora i Odbora za reviziju,
14. naknadama članovima Nadzornog odbora i Odbora za reviziju,
15. davanju saglasnosti na Poslovnik o radu Nadzornog odbora i Odbora za reviziju,
16. kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama imovinom, direktno ili posredstvom supsidijarnih društava u toku poslovne godine u obimu većem od 33 % knjgovodstvene vrijednosti imovine preduzeća po bilansu stanja na kraju prethodne godine, na prijedlog Uprave i Nadzornog odbora,

17. ostvarivanju zahtjeva Preduzeća prema članovima Nadzornog odbora i Odbora za reviziju u vezi sa naknadom štete nastalom pri osnivanju, kupovini ili vođenju poslovanja Preduzeća,
18. ostalim pitanjima bitnim za poslovanje Preduzeća, u skladu sa Zakonom, ovim Statutom i važećim propisima.

### III

#### Mandat

Mandat predsjednika i članova skupštine je četiri (4) godine, sa mogućnošću ponovnog izbora. U slučaju prestanka obavljanja dužnosti predsjednika ili člana Skupštine preduzeća prije isteka perioda od 4 godine na koji je imenovana, popunjavanje upražnjene pozicije vrši se na period do kraja perioda na koju je imenovana Skupština preduzeća.

### IV

#### Opći uslovi za imenovanje

- A) Kandidati trebaju ispunjavati sljedeće opće uslove:
- a) da je državljanin Bosne i Hercegovine,
  - b) da je stariji od 18 godina,
  - c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine od dana objavljivanja upražnjene pozicije,
  - d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
  - e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH («Službene novine Federacije BiH» broj: 12/03, 34/03 i 65/13),
  - f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH («Službene novine FBiH», broj: 70/08),
  - g) da nema privatni finansijski interes u instituciji u koju se kandiduje,
  - h) da nije osuđen za krivično djelo i privredni prijestup nespojiv s dužnošću u upravnom odboru ustanove, pet godina od dana pravostnažnosti presude,
  - i) da nije stariji od 70 godina na dan imenovanja.

### V

#### Posebni uslovi za imenovanje

- B) Pored općih uslova, kandidati trebaju ispunjavati sljedeće posebne uslove:
- a) VSS -VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova tehničke, ekonomske, pravne ili društvene struke,
  - b) 3 godina radnog iskustva u struci,
  - c) da uživaju ugled u lokalnoj zajednici,
  - d) da nije član niti jednog upravnog ili nadzornog odbora, odnosno odbora za reviziju u više od jednog privrednog društva,
  - e) sposobnost za savjesno, odgovorno i odlučno obavljanje upražnjene pozicije,
  - f) sposobnost nepristrasnog donošenja odluka,
  - g) komunikacijske i organizacijske sposobnosti,

- h) sposobnost tumačenja ekonomskih, tehnoloških i pravnih analiza i propisa,
- i) rezultati rada ostvareni tokom poslovne karijere,
- j) preporuke ranijih neposrednih rukovodilaca.

Prilikom procjene posebnih uslova kriteriji navedeni pod tačkama od e) do h) izrazit će se u bodovima od 1-5.

## VI

### Potrebni dokumenti

Prijava na javni oglas treba biti potpisana i sadržavati oznaku Skupštine javnog preduzeća na koju se kandidira, kratku biografiju, adresu i kontakt telefon.

Uz prijavu se prilažu originalna ili ovjerena fotokopija dokumenata:

- dokaz o stručnoj spremi,
- dokaz o radnom iskustvu,
- izvod iz matične knjige rođenih (trajni izvod iz MKR-ih),
- uvjerenje o državljanstvu (ne starije od 6 mjeseca),
- uvjerenje o nekažnjavanju nadležne policijske uprave ( ne starije od tri mjeseca),
- uvjerenje da kandidat nije učinio privredni prijestup nespojiv sa dužnošću u upravnom odboru Ustanove, pet godina od dana pravosnažnosti presude od nadležnog suda (ne starije od 3 mjeseca),
- podaci o neposrednim ranijim rukovodiocima,
- ovjerenu izjavu kandidata za alineju c), d), e), f) i g) pod A) i alineju d) pod B).

## VII

### Napomena:

Sa kandidatima koji budu ispunjavali sve uslove javnog oglasa bit će obavljen intervju.

Kandidati za poziciju predsjednika i člana Skupštine dužni su potpisati izjavu o nepostojanju sukoba interesa prije preuzimanja funkcije.

## VIII

### Ostale napomene

Oglas ostaje otvoren 15 dana od dana posljednjeg javnog objavljivanja.

Prijave sa potrebnom dokumentacijom mogu se dostaviti lično na Pisarnicu Grada Zavidovići (prizemlje zgrade) ili preporučenom poštom, u zatvorenoj koverti sa naznakom «Prijava na javni oglas za izbor i imenovanje predsjednika i članova u Skupštinu JKP „Radnik“ d.o.o Zavidovići - ne otvaraj”, na adresu - Grad Zavidovići, ulica „Safvet bega Bašagića“ broj:9, Komisija za izbor na upražnjene pozicije predsjednika i članova u Skupštinu JKP „Radnik“ d.o.o. Zavidovići“.

Neblagovremene i nepotpune prijave neće se razmatrati.

GRADONAČELNIK

dr. sci. Hašim Mujanović

